

LG LAL DED

لیفٹیننٹ گورنر منوج سنہا نے لکھاڑیاں نانہہ کہیو بے جے وے نوجوانان نانہہ اپنی چقافتی جڑاں سنگ جوڑن تے واضع مقصد غا حصول غی خاطر حدود تیں باہر نکل غے سوچن در راغب کرن مانہہ اپنو کردار ادا کریں۔ لال دد ادبی ایوارڈ تے ڈاکٹر ویدھی تان غی تصنیف لال دد دی مدد آف کشمیر غا اجرائ غا سلسلہ مانہہ منعقدہ اک تقریب سنگ خطاب کرتا واں لیفٹیننٹ گورنر نے کہیو جے لکھاڑیاں غو نوجوان زبناں غی تشکیل مانہہ بڑو اہم کردار بے۔ اُنہاں نے کہیو جے یاہ مارا اساتذہ غی ذمہ داری بے جے وے نوجوان طالب علماں نانہہ نہ چھڑو ہنر سکھان مانہہ بلکہ اقدار اعتماد تے حوصلہ سازی مانہہ وی اپنو کردار ادا کریں۔ تانجے وے آن آلی للکاراں غو سامنو کرسکیں۔ اُن غو کہنو تھو جے جد کدیں ادب تے تعلیم نال و نال سکھائی جائیں تاں قوم نہ چھڑی معیشتی طور ور بلکہ اخلاقی تے روحانی طور ور وی ترقی یافتہ ہوسکے۔

AMARNATH YATRA

لگاتار بارشاں غے باوجود ملک غا بکھ بکھ حصاں تیں آیا کوئے 24 ہزار یاتریاں نے کل امرناتھ گفہ غا درشن کیا کل یاترہ غے دسویں روز رستہ ور بوئی تلکن غے باوجود یاترہ غا دواں رستاں تیں یاتریاں نے گفہ غا درشن کیا۔ تے اس راہ 3 جولائی نانہہ شروع بوئی یاترہ تیں بعد بُن توڑی 2 لکھ 50 ہزار یاتری گفہ غا درشن کرچکا ہیں۔ اسے دوران اج سویرے جموں گا بھگوتی نگر بُنیادی کیمپ تیں 7 ہزار 7 سو 54 یاتری 3 سو 3 گڈیاں مانہہ سوار بال تال تے پہلگام در روانہ کیا گیا۔ 1 سو 33 گڈیاں مانہہ سوار بوئے 2 ہزار 8 سو 96 یاتری بال ٹال جد کہ 1 سو 70 گڈیاں مانہہ سوار بوئے 4 ہزار 8 سو 58 یاتری پہلگام در روانہ ہوا ہیں۔ یاتریاں مانہہ 5 ہزار 3 سو 83 مرد 2 ہزار 71 خواتین 16 بچہ 2 سو 22 سادھو، تے 50 سادھویں تے 4 خواجہ شرا یاتری شامل ہیں۔

UDH AIRPORT

ادھمپور ہوائی اڈہ پروجیکٹ غی تعمیر غی خاطر اک بور سنگ میل گا طور ور اُس غی ٹرمینل عمارت غی تعمیر مانہہ پیش رفت بوئی بے مرکزی وزیر ڈاکٹر جتندر سنگھ نے اس بارے گل کرتا واں دسیو بے جے گزشتہ 10 جولائی نانہہ پروجیکٹ غی تکنیکی بولی غو آغاز کیو گیو تھو تے اس راہ ٹھیکہ غی خاطر بولی مانہہ ست ایجنسیاں نے شرکت کی اُنہاں نے مزید جانکاری دیتا واں دسیو بے جے آئندہ 22 جولائی نانہہ اس غی مالیاتی بولی شروع کیا جان غی اُمید بے۔ تے اس راہ آئندہ اگست مہینہ غا دوجا ہفتہ غے دوران کم شروع کیو جاسکے غو۔

FILM FEST ENTRIES

اطلاعات تے تعلقات عامہ بارے ڈائریکٹوریٹ غی طرفوں جموں کشمیر بین العقوامی فلم میلہ یعنی آئی ایف ایف جے کے سال 2026 واسطے فلم منگی گئی ہیں یوہ فلم میلو ایس کے آئی سی سی سرینگر مانہہ آئیندہ ستمبر مہینہ غی 7 تیں 10 تاریخ توڑی منعقد کیو جائگو یاہ فلم 31 جولائی توڑی پیجی جاسکیں اس فلم میلہ گا انعقاد غو مقصد جموں کشمیر نانہہ سینما ثقافت تے تخلیقی تبادلہ گا طور ور فروغ دینو ہے۔ میلہ غے دوران بین العقوامی تے قومی فلم ضمراں غی فلماں غی نمائش کی جاسکیں گی۔ جس مانہہ علاقائی وراثت روائتیاں منظرنامہ تے ثقافتی اقدار نابہ سینما غے ذریعے اُجاگر کیو جائگو۔

PAHARI LITERARY MEET

راجوری مانہہ ایک روزی پہاڑی ادبی میٹنگ منعقد کی گئی جس مانہہ پیر پنجال علاقہ سمیت جموں کشمیر غا بکھ بکھ علاقہ تیں لکھاڑیاں شاعراں تے دوجی ادبی شخصیات نے شرکت کی۔ اس موقع ور بکھ بکھ معروف لکھاڑیاں غی کتاباں غو اجرائ کیو گیو۔ نالے نوجوان طالب علماں نانہہ اپنی ادبی صلاحیتاں نانہہ باندے لیاں غو موقعو میسر آسکے غو۔ اس موقع ور بولتا واں راجوری غا ایم ایل اے افتخار احمد غو کہنو تھو جے اس قسم غی ادبی محفل پہاڑی زبان نانہہ فروغ دین تے علاقہ غی امیر ثقافت گا تحفظ مانہہ اہم کردار ادا کرسکیں۔ اُن غو کہنو تھو جے ان ادبی محفلاں گا انعقاد سنگ نوجوان نسل نانہہ ادب در راغب کیا جان مانہہ مدد مل سکے۔

WEATHER

محکمہ موسمیات نے آئیندہ 17 جولائی توڑی گرم تے مرطوب موسمی صورتحال غی پیشن گوئی کی ہے۔ اس عرصہ مانہہ مختصر دورانیہ غی بارشاں غو وی امکان ظاہر کیو گیو ہے۔ اُس غے بعد 18 تیں 20 جولائی توڑی فر بارشاں تے آندھی طوفان غو اندیشو ظاہر کیو گیو ہے۔ لوکاں نانہہ خراب موسم غے پیش نظر چوکسی برتن غی صلاح دتی گئی ہے۔

ANNOUNCEMENT

آکاشوانی جموں غی طرفوں بکھ بکھ زُمران واسطے درخواست طلب کی گئی ہیں۔ آکاشوانی جموں غا علاقائی خبراں غا شعبہ غی طرفوں پہاڑی زبان واسطے عارضی نیوز ریڈر کم مترجم (این آر ٹی) تے اسٹینو پینل غی تشکیل واسطے اہل امیدواراں تیں درخواست طلب کی گئی ہیں۔ درخواست گزاراں غو جموں کشمیر غو باشندوہونو ضروری ہے تے اُن غی عمر 21 تیں 50 بہراں غے درمیان ہونی لوڑے۔

این آر ٹی واسطے اُمیدوار غو کسی تسلیم شدہ یونیورسٹی تیں گریجویٹ ہونو، پہاڑی زبان ور پکڑ مضبوط رکھنوتے نشریات واسطے عمدہ آواز غو ہونو لازمی ہے۔ جد کہ اسٹینو واسطے اُمیدوار غو کسی تسلیم شدہ تعلیمی بورڈ تیں بارہویں جماعت پاس ہونو، پہاڑی زبان ور مہارت رکھنو اور کمپیوٹر ور پہاڑی زبان مانہہ 25 تیں 40 الفاظ فی منٹ غی ٹائپنگ رفتار ہونو لازمی ہے۔

خواہشمند امیدوار اپنی درخواستاں غی بارڈ کاپی تمام مطلوبہ دستاویزات نال ہیڈ آف نیوز، ریجنل نیوز یونٹ آکاشوانی پنج تیرتھی جموں پن کوڈ 180001 میں بزاتِ خُدا اتار 19 جولائی 2026 تک جمع کرا سکیں۔

درخواست غی فیس جنرل زمرہ غاُ امیدواراں واسطے 355 روپے جد کہ ایس سی، ایس ٹی تے او بی سی زمرہ غاُ امیدواراں واسطے 265 روپے مقرر کی گئی ہے، جس مانہ 18 فیصد جی ایس ٹی وی شامل ہے۔ فیس پرسار بھارتی، آل انڈیا ریڈیو جموں غابینک خاٹہ نمبر 10582387126 جھپڑو ایس بی آئی بری ما رکیٹ مانہ ہے اُس مانہ آن لائن جمع کرا سکیں، جس غو آئی ایف سی کوڈ SBIN0000657

ہے۔ جس مانہ فیس آڈیگی غی سلپ یاہ سکرین شاٹ غی کاپی درخواست سنگ لائنو لازمی ہے جس ورٹرانزکشن آئی ڈی غو لکھیو ہونو لازمی ہے۔ تفصیلی اشتہار تے درخواست فارم آکاشوانی غی ویب سائٹ

www.newsonair.gov.in

غاُسامیاں غا سیکشن مانہ دستیاب ہے۔ مزید معلومات واسطے امیدواراں نمبرات ور رابطو کر سکیں۔ نمبر اس طرح ہیں۔ 01912546658 یاہ 9697177241۔
